

級賊爲北桑懌以爲然遂引騎趨之福亦踵其後會合軍屯好水川朱觀武英耿傳屯籠絡川相距五里謀者言賊兵少故福等輕之追奔三日芻糧不繼人馬饑乏至籠竿城北遇賊距羊牧隆城五里結陣以抗官軍諸將見其兵勢之衆方知墮賊計中勢不可兩遂前接戰桑懌劉肅先戰歿福繼之珪及武英而下皆陷焉獨朱觀保民垣四向縱射會暮獲免自主將參軍至偏裨死者十數軍校又數倍之士卒踰六千人福等貪功輕敵不能稟韓琦併兵合勢之言以

隆平集

卷十九

九

至覆敗奏至上甚悼之贈福節度使兼侍中賜第一區三子一姪一孫贈秩咸賜官王珪贈觀察使三子賜官耿傳贈右諫議大夫五子賜官三人爲京秩桑懌贈防禦使子湜推思加等其餘褒贈有差福之子曰懷德懷譽懷謹姪懷玉孫惟恭珪之子曰光祖光世光嗣傳之子曰瓊瓌璋珪琬康定初元吳寇鎮戎軍珪將三千騎爲先鋒自瓦亭至師子堡賊圍之數重珪奮擊多獲自級乘間叩鎮戎軍請益兵不許止絕糧與之士卒既飽珪語之曰兵法以寡擊衆必在

暮○我○兵○少○乘○其○暮○氣○之○衰○可○得○志○也○乃○馳○入○賊○一○將○以○鎗○直○其○胸○傷○右○臂○珪○左○手○以○杵○碎○其○腦○一○將○復○以○鎗○進○珪○挾○其○鎗○運○鐵○鞭○擊○死○之○虜○驚○遂○引○去○上○聞○特○遣○使○襲○諭○以○其○下○死○傷○多○止○賜○名○馬○金○絹○仍○暴○其○功○以○勵○諸○將○珪○以○所○得○二○鎗○植○山○上○及○珪○死○邊○人○仰○其○所○爲○立○廟○焉○珪○通○陰○陽○術○數○好○水○之○戰○自○知○其○不○得○還○將○行○謂○其○家○人○曰○可○速○去○無○爲○虜○所○仇○也○及○虜○攻○瓦○亭○果○購○其○家○人○屬○如○珪○之○言○珪○所○將○兵○止○五○千○連○闕○三○日○諸○將○俱○歿○珪○望○福○陷○賊○猶○欲○援○出○之○軍○校○願

隆平集

卷十九

十

望○多○不○從○珪○斬○以○徇○乃○復○入○戰○擊○殺○數○百○人○鐵○鞭○拽○曲○手○掌○破○裂○三○易○馬○禽○馳○擊○數○百○人○矢○中○目○還○軍○中○卒○武○英○常○勸○耿○傳○曰○君○非○主○兵○者○柰○何○欲○與○英○俱○死○也○朱○觀○亦○戒○傳○少○避○銳○鋒○傳○不○答○於○軍○中○指○額○自○若○求○與○英○俱○死○或○謂○福○之○敗○由○傳○督○諸○將○稍○急○韓○琦○得○傳○爲○朱○觀○貽○書○戒○以○持○重○尹○洙○亦○作○閔○忠○辨○証○二○篇○其○謗○遂○息○懌○善○用○劍○及○鐵○簡○有○智○略○謹○畏○常○若○不○足○所○至○寇○盜○衆○所○不○能○獲○者○必○獲○之○其○功○賞○推○之○居○已○上○者○或○譏○其○好○名○歎○曰○若○欲○避○名○皆○不○可○爲○也○益○自

劉○云○敘○事○如○此○才○不○誠○左○氏

信原宋理原作經并耳上脫王字當說劉說列推思三千十有以字先針上有字

高懷敏開封人感德軍節度使霸之子以補陰補供奉官其妻王德用之妹也懷敏通時事善希合故多薦其才者積官眉州防禦使涇原副都總管慶曆二年元昊寇鎮戎軍懷敏領養馬城會將開賊兵徙壕外遂帥諸將趨定州劉賀以蕃兵五千與賊戰不勝而潰懷敏入保定川寨曹英又敗於寨之東北隅懷敏所部人奔駭懷敏為衆所擁幾踐死輿至甕城乃蘇賊遂聚火圍其城懷敏名諸將謀來日結陣赴

隆平集

卷十九

十二

鎮戎軍因諭其親軍聽中軍鼓乃得行及鳴鼓懷敏上馬大軍未動馭者勸未可去有頃復上馬又不從拔劍將擊之士衆遂散乃策馬至長城壕賊周圍斷其歸路與諸將皆遇害餘兵為賊所隔及保他寨保不赴者獲存賊遂長驅直抵渭州六七百里民受其患初懷敏除郵延而主帥范仲淹言其怯懦不知兵遂徙涇原卒敗事如仲淹言定川奏至贈懷敏節度使諡忠隱子宗晟宗壽宗禮宗師皆贈秩或賜官策原郭恩開封人初隸諸班出為左侍禁累有戰功積官

崇儀使并代鈐轄管句麟府軍馬事初夏人歲侵屈野河地至耕獲時輒屯兵河西以誘官軍經略使龐籍戒邊將勿與戰月餘食盡去如是屢矣是歲正月出屯三月始去并州通判司馬光行邊至河西白草平數十里無虜跡時知麟府州武戡通判夏倚已築一堡又與光議乘虜之去出其不意別創二堡據其地使不得耕功畢則廢橫戎臨塞二堡徙兵實新堡列烽燧自衙門紅樓下視其地如指掌堡成三十里外田虜必不敢耕矣籍從光議遂築二堡恩與武戡

隆平集

卷十九

十二

及走馬承受內臣黃道元以巡邊為名往按視之謀者言虜兵屯沙黍浪十五里不絕恩欲止道元怒以言逼恩恩遂夜率步騎千四百人循屈野河北行見臥牛峯舉火戡曰虜知吾輩出矣道元曰此若輩之為也俄聞鼓聲亦不信比明遇賊自旦戰及食時虜四面合擊武戡走東山趨城東掖門以入恩與道元皆陷賊恩死之贈觀察使子中彥中良中謹弟思竝贈秩或賜官給恩舊俸三年原本馬遂開封人初補散職為北京指揮使聞王則叛中

夜叱咤晨典詣雷守賈昌朝請與行陣命持榜招降  
則蓋服見之與坐遂諭以禍福則不答遂扼其喉擊  
之流血賊徒驍捷卒石慶斷其一臂遂詆之曰妖賊  
吾恨不斬汝萬段卽被害時張得一侍賊側上聞遂  
死深嘆惜之贈遂宮苑使五子竝賜官得石慶付其  
子使副心祭遂

原本批說張深作而

景泰字周臣普州人天禧三年登進士第累官至都  
官員郊郎知成州元昊反有薦泰知兵名到換左藏  
庫使知寧州泰通判慶州日常上章言元昊包藏禍

隆平集

卷十九

三

心主將任福無長策凡三上不報及元昊寇鎮戎軍  
敗葛懷敏初入攻渭州泰率兵五千開道赴援戮先  
鋒殿直張向逗遛而行遇賊於彭陽西依山爲陣陰  
選三百騎爲左右翼張旗幟爲疑兵賊愕視不敢進  
而遁士卒請追擊泰止之搜山果得伏兵與戰斬首  
千餘級以功遷西上閤門使久之加忠州刺史秦鳳  
路都總管卒年五十八子思問思安思忠思立思誼  
趙滋字子浚開封人以父戰死補奉職累擢至端州  
防禦使步軍都虞候卒年五十七滋常爲涇原儀渭

州巡檢得勝寨主姚貴殺監押崔詢劫宣武神威騎  
卒十數散攻羊牧隆城滋領兵至餘人降獨貴走出  
寒召計使命滋給賜降者及遷補將吏滋曰是誘其  
亂也藏其傲不下招討使怒之功遂不及賞范仲淹  
韓琦舉滋可將領滋在京東數獲盜不自言知青州  
富弼言於上獲贖等遷官管句河東經略司公事建  
言代州寧化軍有地萬頃可募種田作教以戰射令  
護塞從之其利甚博契丹人數乘小舟漁界河者吏  
莫敢禁更造大舟十數運鹽海口茲捕殺之移文涿

隆平集

卷十九

十四

州遂不復至後因虜使言朝廷乃擢使管軍故事邊  
州米出外界不許過三斗茲知雄州契丹大饑茲曰  
彼亦民也米出無所禁茲剛果有才特矜傲自譽人  
多請之

原本批作擬冀較上空一字

李緯字仲文以父廣東提點刑獄遺恩補借職累擢  
至西上閤門使卒年七十贈引進使陵州團練使子  
師中積中純中緯常知渭州請修籠竿城瓦亭寨及  
以籠竿爲德順軍范仲淹韓琦遂舉緯知德順軍招  
蕃部內屬者數百帳葛懷敏既陷殺元昊因攻瓦亭



龍竿背不能下雄州未有常平倉緯知州以賜公使  
發置焉及民餒遂獲均濟

格字許國開封人隸軍籍選行門歷龍旗直散員  
押班試換內殿崇班積官至兩使留後卒年五十贈

節度使子愈應總愬恩應隱懿恪驍勇善射臨  
敵敢前初為慶州北路都巡檢預攻破白豹城兵還

賊襲其後恪設伏擊之殺獲甚衆常會諸道兵攻十  
二盤暨咄當逸子寨中流矢神色自若至暮以言激

衆士卒爭奮遂得其城有弓勝二石一斛其箭鏃如  
隆平集 卷十九 五

鏃臨陣必中間有一矢貫二人者虜畏之從奪蕉蒿  
寨歸恪殿後虜以數千騎來襲恪止有二鐺箭引滿

不發賊欲相及輒復避去終莫能近  
張亢字公壽漢州人天禧二年登進士第以通判鎮

戎軍常上言元昊喜誅殺勢必難制宜為邊備又論  
西北攻守繼而契丹聚兵幽涿間遂羅如京使知安

肅軍因人奏言虜主孱而歲款方藉金帛之賜特懼  
中國見伐而為此耳卒不敢動如亢言自是數歷西

北邊任頭官至客省使眉州防禦使徐州總管卒年

六十三子杰黠君烈儻實元開夏賊破豐州圍府州  
及解去屯壩瑯堡縱游騎擾邊鄆府閉壘二年矣亢

受命為并代都鈐轄麟府軍馬事至城下示以救始  
開關亢入命不復閉縱民庶出入時雖有禁卒數千

皆畏怯無鬪志亢乃募役卒取敢戰者得數百人使  
擊賊有以首級獻者必厚賞之禁卒慙始請効死亢

度其可用遂命擊瑯瑯堡而破之士氣益振明年詔  
遣中使督亢護麟府郊賞物錢賊鈔略不得乃悉衆

邀其歸路亢以三千敗賊數萬衆既而亢築建寧寨  
隆平集 卷十九 十六

度賊必至虎翼軍驍勇賊人所畏而萬勝軍疲怯敵  
常易之故更去兩軍旗幟賊果出爭亟趨萬勝而先

犯之不知乃虎翼也虜大潰斬首二千餘級不敢復  
出未踰月築成清寨百勝中候建寧鎮川五堡而麟

府之路始通亢復奏以所通特一徑請更增並邊諸  
柵以安河外議未下徙知瀛州復除并代副總管御

史梁堅劾亢以庫金於成都市易奪官降為鈐轄夏  
人與北虜戰河外乃復副總管知代州范仲淹宣撫

河東因奏使亢就總前議增築諸柵爭經略使明鎬



移文止之。亢不聽。不聞時。諸寨成。遂自劫。違鎬節制。  
朝廷不問。蕃漢歸者數千戶。歲減戍卒萬人。徙知瀛  
州。言城小而人衆。請廣其東南。闕焉緩急。備安撫使。  
夏竦惡其在陝西不附。已遂沮止。其後卒城之。如亢  
議。徙渭州。陝西轉運使奏亢擅減三司郊賞物估。值  
會球入爲樞密使。遂奪亢防禦使。御史宋禧又以市  
易事言。奪引進使久之。陝西轉運使言亢市易非自  
入。始還將作監。復防禦使。遷客省使。知環州。坐與鄰  
守會境上。經夕。降曹州。鈐轄亢輕財好施。不拘小節。  
隆平集 卷十九 十一

宴賞過侈。雖市易猶不能給。然軍政嚴整。所至有風  
力。蕃漢多圖其像。瞻祀之。仁宗常語侍臣曰。夏人陷  
豐州。麟府之間。震擾。亢築堡寨。以護民耕收。築城  
以包水泉。又增大高陽城。使民有以自保。民思愛之  
不忘。宜特贈亢。遂州觀察使。原案作謀難作廷及作方有以作者以性下  
解字作所犯之下脫不字五堡作言寨復作傳  
种世衡字仲平。放兄元子也。以放蔭授將作監主簿。  
累遷太子中舍。通判鄜州。建言築青澗城。其左可致  
河東粟。其右可捍延安。其北可圖銀夏。詔從其議。時  
換內殿崇班。知城事。積官東染院使。環慶路鈐轄。卒

年六十一。子詒諗。詠。詒。諤。記。訢。誼。世衡在青澗城。開  
營田二千頃。又募商賈。貸以緡錢。使通貨。助人爭歸。  
焉。城初無水。穿井百五十尺。至石。乃曰。能。府。石。一。奔。  
者。酬。百。錢。居。數。日。及。泉。民。甚。賴。之。知。環。州。蕃。部。有。半。  
家。族。奴。訛。者。囁。嚅。不。出。見。郡。官。聞。世。衡。至。郡。郊。迎。約。  
詰。朝。往。勞。其。族。晨。興。雪。三。尺。左。右。曰。地。險。不。可。行。世。  
衡。曰。信。不。可。失。比。至。奴。訛。大。驚。率。其。族。拜。馬。前。因。請。  
內。屬。凡。邊。民。有。過。則。使。之。射。四。發。二。中。者。釋。其。罪。兩。  
辭。疑。而。不。決。者。亦。因。射。中。否。而。與。決。之。境。內。之。人。因。  
隆平集 卷十九 十二

多善射者。臨邊數年。積穀通貨。撫養士卒。能得死力。  
在環慶病告中。得范仲淹檄。與蔣偕同築細腰城。力  
疾奔命。城成而卒。羗酋相率朝夕臨之。仍圖其像。永  
以瞻慕。原案見作元不出作未出  
劉滬字子清。涿州人。父文質。任連州刺史。子十六人。  
渙。滬有聞。滬以父任爲奉職。積官內殿崇班。知水洛  
城。卒年四十八。滬頗習書傳。有智略。韓琦范仲淹薦  
其才武。擢閤門祗候。常爲瓦亭寨監。押權靜邊寨。又  
破穆寧生氏。西南去略陽二百里。中有城曰水洛川。

平士沃有水輪銀銅之利，環城族帳多聚，漢民之通。逃者曹瑋在秦州常經營久之，未能得。滬密使說其城主鐸斯那，令內附會四路招討使鄭戩行邊。滬遂召鐸斯那及戎落尊屬來獻，結公水洛露羅甘地，乞冠帶為屬戶。詔許之，因令滬以兵往受地。既而氏情中變，滬淡入無援，獨以千人擊潰氏兵數萬。其酋請服，因盡驅隸麾下。通秦渭路，涇原帥尹洙檄令罷役，不從。益增版越役名之屢，亦不至。洙令狄青械滬及董士廉付獄。戩雖已罷四路，而論奏不已。朝廷遣魚

隆平集

卷十九

十九

周詢程戡相視，乃復以滬說役而任以城事。城既成，猶坐違帥臣命，降一官。首發瘍卒，水洛居人畱葬而立廟。城隅歲時祀之，有碑紀其事。今存焉。朝廷從蕃官等請，嘗命其弟淳為水洛城兵馬監押。原本請說隸秦說秦張君平，字士衡，磁州人。以父戰歿，補三班差使。貽州指揮使，徠寇邊。君平領兵設伏奪寨，斬首百餘級。遷三班奉職，為施州監押。積官至作坊使。卒，子造遜。達君平有幹才，明水利。朝廷議河事，必訪之。守官汴口，建言請審擇口地。歲省役渠工百餘萬，雖役不歲興。

而可免堙塞之患。又請沿河令植榆柳，萬株者書為課。又請以時疏導。宋陳祐，亳縣人。滑州滿池。與畿內相接者，以防水患。令州縣官吏兼管，旬滿沿河道皆施行。原本脫撥字可免記作不免孟元，字善長，洛州人。少隸禁兵，以挽強補殿侍。累擢至眉州防禦使。卒，年六十。贈觀察使。子防，隨王。則據貝州叛。元為真定府路鈐轄，領兵攻討，被數十鎗。又中飛石，墜壕中。既出，益銳。更募敢死士，由承濟渠穴地以進。賊不進，右驍驎使御史中丞郭勸言賞未當。

隆平集

卷十九

二十

功擢普州刺史，知滄州。其民以鹽為生，歲歉商賈不行。元度軍食之餘，以穀易鹽，民賴以濟。元雖出行伍，好讀書，流華鮮及馬懷德，字得之，開封人。父玉，東頭供奉官，常自言懷德可試武藝，補奉職。累擢至步軍副都指揮使。西後卒，年五十六。景祐二年，懷德為延州東路巡檢，數以少擊衆，徙青澗城監押。入賊境，焚二寨，親射殺其酋。尙兒廂主，又率蕃漢兵焚蕩賊，洩滿申州茶山五十寨，三百餘帳，斬馘百餘級，奪獲畜產萬計。用范仲淹

韓琦舉爲開門祗候知延州龐籍奏爲東路巡檢使  
珍黑神厥堡等大寨又以兵數千敗賊四萬騎於僕  
射谷徙鄭延路東巡檢都監破賊青化押班吃當三  
寨殺擄其人物甚衆元吳納款與國子博士高良夫  
會西人畫地是時用兵之久人民流散懷德招輯有  
方經略使梁適奏請推其法諸路詔從之  
原本卷下脫爲字  
是訛作果  
許懷德字師古開封人以父任爲東西班殿侍累擢  
至寧遠軍節度使又歷保寧建雄兩鎮殿前都指揮  
使卒年八十四贈侍中謚榮毅子士平士宗士端士

隆平集

卷十九

三

寧士勤士孫士演士先士溫初懷德爲鄭延路副總  
管賊以三萬騎圍永平寨止率勁兵千餘人突圍破  
之賊有出陣前據鞍慢罵者懷德引弓射之應弦而  
斃未幾賊攻延州懷德領兵開道出其不意左右奮  
擊賊遂解去其後以不赴援而失賊及理財產三被  
降徙慶曆間遂入總禁旅典司宿衛凡十四年以老  
乞身上未之許後復自言恐爲御史所彈不得善罷  
上特詔有司爲減歲數懷德雖老習軍旅之事然戰  
功所可見者一二而故事節度使移鎮加恩皆再表

辭翰林學士歐陽修以爲慢朝廷詔以修章示懷德  
雖悚息謝罪而終亦不復別進表上亦不加責

原本動作動有出右字訛隨失作大典訛曲

隆平集

卷十九

三



宋會文定公編撰 南豐後學彭期訂

齊狄

契丹耶律隆緒年十二嗣其父明記位明記偽號景宗初名述律德光之子也唐初契丹八十餘年未常寇邊通天時李盡忠始陷營州明年總管楊元基以奚軍攻潰其衆至開元十一年可突于奉盡忠之弟邵固統衆詔許襲王方是之時適稟命中國如此梁

隆平集 卷二十

正明間耶律阿保機始建元神策遂以五十萬衆從晉叛將盧文進寇幽州龍德初復入爲鎮州張文禮之援明年晉王大破之於新城而獲阿保機之子自是繼爲邊患及阿保機死子德光繼立晉祖因其兵勢而得天下故兼臣禮而父事之割地以爲壽輪帛以爲貢未更一紀之久已貽開運之禍其後劉崇嘯彌於太原爲計亦出於此有以益其驕悍也德光滅晉而歸死於鎮陽之殺狐林其兄之子永康王兀欲自立爲天授皇帝囚其祖母述律氏於木葉山述律

氏阿保機之妻也兀欲五年爲其族述軌所殺述律討其亂因自立爲天順皇帝更名謂之明記太平興國未明記死其妻專國事雍熙開曹彬北伐失利於岐溝隆緒數內寇者謀皆出於母氏也咸平二年舉國而來范廷召大破其衆斬首萬餘級雖遁而未懲故景德初復大舉戎馬及於澶魏之郊真宗大駕再莅河朔甫次衛南而虜之謀將撻覽已斃於我師之強弩謀窮勢蹙始因王繼忠之表請修好息天聖末隆緒死宗真立宗真隆緒之第八子也母曰順聖

隆平集 卷二十

元妃隆緒遺命以正室齊天皇后太后爲元妃蕭氏爲太妃太妃殺齊天而自立爲太后多殺戮功臣而專用其兄弟弟御宗真甚嚴宗真不能堪景祐初遂率兵逐其母使守隆緒塚其國人有勸迎其母以覲朝廷歲賜之物雖從之而所居相距常十餘里蓋懼其或相害耳慶曆二年聞元昊叛遣蕭英劉六符來請石晉所割瓦橋關十縣詔富弼張茂實往報焉歲復增銀絹二十萬皇祐元年遣使來告伐元昊明年來告地至和初又齎其畫像來欲求御容未及往而卒

真死其子洪基立宗真廟號興宗在位凡二十五年

此段宜出蕭注五〇象妙有安〇致

常與教坊使王稅輕十數人結為兄弟出入其家或

拜其父母常夜宴與劉四端兄弟及王剛等數十人

入樂隊命后妃易衣為女冠后父蕭磨只言漢官皆

在此后妃入殿非所宜也宗真擊碎后父首曰我尚

為之若女何人也閒常變服入酒肆寺觀如王剛姚

景熙輩常遇於微行中皆顯官宗真敬佛教僧正拜

三公三師兼政事令者二十人左右所親信多擢為

將相契丹國境自幽州東行五百五十里至平州又

隆平集 卷二十

五十里至古遼城謂之東京北六百里至烏菴國東

南接高麗北至女貞東踰鴨綠江即新羅也原本北註下多至字無餘字

夏國趙保吉姓拓拔其遠祖仁福者思恭之族也唐

僖宗始以思恭為夏州節度使賜國姓思恭族亂仁

福繼之故亦稱李氏仁福死子彝超與相繼為定難

軍節度使彝超而上五代史有傳彝興死原本真宣祖廟諱下

殷字同故子光胤繼光胤死子繼筠襲繼筠死弟繼

捧襲位其從父綏州刺史克文言繼捧不當襲請遣

使與偕至夏州諭令入覲繼捧乃舉族歸朝其弟繼

遷在銀州太宗賜其國姓俾隸屬籍又賜繼捧名曰

保忠繼遷名曰保吉為夏州節度使歸鎮初保忠之

來觀也嘗言其乳母死出葬郊外匿兵器葬車中遣

入蕃於政府曲散亡者劫西羌種落為患雖賜姓

名而位授夷蕃不已保忠歸又潛與表裏遂往依之

保吉不納復還夏州牙枝已據其城保忠不得入及

王師進討俘保忠以歸故保吉因并夏州之地真宗

即位始遣使修貢朝廷遂以保吉為夏州節度使未

幾乃攻陷清遠軍及靈州景德元年劫西蕃至西涼

隆平集 卷二十

府潘羅支詐降保吉受之羅支合六谷蕃部擊之保

吉中流矢死其子阿移襲更名曰德明而遣使請命

於朝廷明年奉表歸款請市青鹽不允乃閱馬謀內

寇時秦翰曹瑋請進兵討擊上以其人常已歸款不

許遂以向敏中知延州令撫納之敏中請名其子弟

宿衛德明不從止上誓書并錄保吉遺言以聞真宗

念邊兵久戍乃授德明定難軍節度使加西平王又

請行青鹽不允遂出大里河築柵蒼耳平八年築堡

西州渴輸谷建榷場以誘致商旅詔沿邊禁止自是

開慶邊境攻陷甘州取西涼府天聖中德明卒子元

吳立元吳既長德明數語之曰國中三十年不拔皮

毛而衣錦綺之衣汝無負天子也○練○建○之○言○吾常從事於兵雖

苦勞萬狀第自困耳及死贈太師尚書令德明娶米

母氏生元吳昨朱氏生魂成元吳以五月五日生小

名崖塊○錯○帶○入○地○羌謂惜為崖謂富貴為塊性克悍多猜忌晚

浮圖法通漢文字凡案開常致律法書自為蕃書十

二卷文類符篆建蕃學使蕃官子弟習之襲德明官

為定難軍節度使檢校太師兼侍中封西平王天聖

隆平集

十年改元明道元吳逃其父名止稱顯道景祐元年

遂僧改元開運入寇環慶殺掠居民詔約束之米毋

氏族人山喜謀殺元吳事覺斫殺其母沈山喜之族

於河自是攻略諸羌屢為邊患其從父山遇知元吳

有反計勸止不從山遇懼挈族來歸知延州郭勸乃

執以還元吳至則殺之是歲僭帝號國稱大夏改元

天授明年遣使來告詔削奪官爵除屬籍既而為慢

書雷旌節救告於歸孃族而去康定元年寇金明執

監押李士彬而劉平石元孫陷於三川口慶曆元年

在麟戰於好水川明年復戰定川寨葛懷敏死焉

未至定川常遣李文貴欲納款知延州龐籍意其詐

番未遣數月果入寇籍名責其使而釋遣之文貴

去月餘復來籍視其書未去僭號卻之俾自請明年

上書更名曩宵稱男不稱臣籍又拒焉詔遣卻良佐

張士元等史往議之而曩宵之使繼至四年冊為夏

國主令稱臣臬正朔改所賜敕書詔而不名聽自置

官屬遣使至京許就驛貨易宴坐朵殿朝延使至其

國用賓容禮歲賜銀絹綵共二十五萬五千於是始

隆平集

歲修貢曩宵用兵多詭計左右用事之臣有疑必誅

先世居室衣冠文字莫不改革其文人服靴笏幘頭

武臣金帖雙冠衣緋衣金塗銀黑束帶佩蹠蹠穿靴

餘皆禿髮耳重環衣紫旋襴六垂束帶佩解錐刀弓

矢垂鮑皮鞍馬帶纓議事即率諸酋適野藉草而坐

其俗舊止重冬至自曩宵僭竊乃更以四孟朔及其

生辰相慶賀曩宵七娶其五日野利氏身頗長有智

謀曩宵畏之戴金起雲冠使它無得冠者生三子獨

甯令哥存僭稱太子又納沒噉女營天都山后之野

卷二十

五

卷二十

六

此紀西夏人物制度風俗皆食與陸戰關雄徒錯落逐段引入入勝與五代史可補合考矣



荆氏之叔遇乞有言而曩宵殺遇乞得遇乞之妻生  
 諒祥慶曆七年甯令哥弒曩宵不死傷其鼻而去匿  
 黃蘆爲訛所殺曩宵因鼻傷卒年四十六子諒祥  
 襲自仁福至繼筠世居夏州及保吉變詐跋扈外侵  
 西羌種族內竊靈綬銀夏至德明攻陷甘州拔西涼  
 府其地東西二十五驛南北十驛自河以東北十有  
 二驛而達契丹之境至曩宵破瓜沙肅州遂盡得河  
 西之地在德明時兵十餘萬而已曩宵之兵踰十五  
 萬自謂地廣兵勁敢行僭叛然而不通互市歲賜仍  
 隆平集 卷二十 七

數謂之辦算三夜以羊焚香呪之又燒穀火撒之謂  
 處甚屠羊視其腸胃通通則兵無阻心有血則敗四  
 以矢擊弓弦而聽其聲知敵至之期及兵之勝負尺  
 若皆立屋有官爵者始得覆之以瓦其部族一家號  
 一帳男年十五以上爲丁有二字丁者取正軍一人  
 負擔一人爲一抄負擔者隨車雜使也四丁爲兩抄  
 餘號空丁願隸正軍者得射它丁爲負擔無則許射  
 正軍之疲弱者爲之故壯者皆戰鬪而得軍爲多欲  
 西用兵則自東點集而西欲東則自西點集而東年  
 隆平集 卷二十 八  
 六十以下十五以上皆自備介胄弓矢以行好立虛  
 寨多設伏兵馬軍用鈎索絞聯雖死馬上不落凡正  
 軍給長生馬馳各一死則償之每入寇必先犒飲山  
 訛者橫山羌也其主將皆陣後立馬督戰得中國人  
 無藝者使耕於河外或守肅州城驍勇則刺爲軍蕃  
 族有和斷官擇氣直舌辨者爲之以聽訟之曲直殺  
 人者納命價百二十千俗喜復仇然有凶喪者未復  
 負甲葉以爲記不能復者集鄰族婦人烹牛羊其酒  
 食介而趨仇家縱火焚之其經女兵者家不昌故漢

惡為後謂婦人原不齊已作有春繁分在正上作上其書學上原不齊已作有春繁分在正上作上其書學上

勇嘶囉初名欺南陵溫箋通生磨榆園蓋吐蕃贊普

之苗裔也同是西蕃族未有服屬大姓聳昌斯均等

咸平中迎至河州欲立文法請更其名曰响嘶囉河

州人謂佛為响謂兒子為嘶囉於是宗哥僧李立尊

與通川溫通哥略嘶囉如郭州立文法部族稍歸之

因徙居宗哥城以立遵為輔大中祥符末嘶囉命立

遵率眾十八萬襲秦州生熟戶知秦州曹瑋以兵擊

之趨走西涼府又為所敗遂與立遵不協徙居通川

隆平集

卷二十

更以通哥為輔遣使秦州求內屬詔授嘶囉通川首

領寧遠大將軍愛州團練使以通哥為歸化將軍後

通哥謀亂嘶囉殺之而改蒞青唐景祐中授兩使兩

後久之朝廷以元昊不臣遣屯田員外郎劉渙諭嘶

囉攻元昊適元昊大舉兵襲嘶囉堅壁鄯州不與戰

元昊度水常植幟以誌後後嘶囉潛使移所植及元

昊眾潰趨誌處溺死過半自是數以計敗元昊及元

昊取西涼府而嘶囉得嘶囉奴之眾十餘萬回紇亦

以數萬人歸焉其勢遂強於諸羌朝廷屢加以節命

為保順河西鎮節度使洮涼兩州刺史卒年六十九

嘶囉子皆被恩命日賸隨居合龍谷日磨角居

宗哥城日磨角為嘶囉嗣其母裔氏獨居麻精城有

才色西蕃六七萬人號令嚴明莫不畏服原本地作通十無

交州寺公蘊始為本州大枝節度使黎至忠苛虐公

蘊常陰贊之故特見親信因令冒姓黎氏大中祥符

三年至忠卒有子纔十歲而其弟明昶起爭立公蘊

遂殺之自稱留後遣使請命真宗曰始黎桓劫丁瑄

自立公蘊復兩蠻夷奚責焉遂授靜海軍節度使安

隆平集

卷二十

南都護交趾郡王大中祥符七年因捕狄獠寇如洪

寨詔轉運司追所略生口因飭戒之天聖中又令其

子節率眾入寇詔發峒丁討捕未幾卒子德政自稱

留後來告哀天聖六年除檢校太尉靜海軍節度使

安南都護交趾郡王景祐三年寇邕州之恩陵等州

及諸峒略牛馬焚室廬而去詔責問令捕禽領正其

罪寶元初進南平王皇祐間以兵二萬助平儂智高

詔御其兵而優賜焉久之卒子曰尊原本發上替和說相

妖寇

蜀賊王小波李順皆青城縣人淳化三年聚衆爲亂先陷青城縣四年劫彭山縣令齊元振金帛元振率衆拒之逐元振賊勢漸盛都巡檢使張玘戰歿於江源二月攻陷成都知府郭載奔東川小波因與張玘戰傷病卒衆推其妻弟李順爲帥旣而攻彭漢州成都府順乃僭號建元應運朝廷遣內臣王繼恩同韓守英馬知節石普率師平蜀五年五月破賊擒順獻首餘黨招捕無遺蜀土富饒自乾德開孟昶旣降府庫充盈重貨銅布由舟運下三峽輕貨設傳置以四

卷二十

十一

隆平集  
十兵隸爲一綱號曰進綱水陸兼運十餘年始悉歸內庫時守臣務利入之厚常賦外更爲博買務禁民私市物帛而兼并者釋賤販貴小民貧失家田業故小波以言動衆曰吾疾貧富不均吾與汝均之貧民由是附之者衆又朝廷常命張樞使蜀樞奏劾官吏不法者百數獨舉彭山縣令齊元振荷白氈幹降璽書獎諭元振素貪暴因是益橫受財得金帛多奇民家小波知民怨苦之遂散其金帛殺而剖其腹實以錢刀用快其意是時樞知榮州賊攻州卽以郡印及

所受書較降賊受其僞命爲榮州刺史王繼恩以聞太守斬於州中而磔其尸

原本院而字作係

軍賊王均嗣南指揮都虞候益州駐劄咸平三年神衛卒屈延順以衆怨幹符昭壽多用親隨僕言榜軍軍人因馬逸喧擾中殺昭壽及僕均率衆擒延順及其黨不能獲乃回劫均爲帥知州牛冕出漢州均遂僭號建元化順自正月叛奏至以雷有終知益州命內臣秦翰同團練使石普上官正率兵征討九月均敗竄石普秦翰楊懷忠追斬於富順監梟首州市

卷二十

十二

隆平集  
軍賊陳進宜州澄海軍校景德四年因衆怨知宜州劉永規苛役殺永規及監押國鈞據城叛劫判官盧成均爲帥詔東上閤門使曹利用安撫廣南路率兵進討九月遇賊於象州仙縣擊敗之襲至象州斬陳進及其黨而盡成均挈家屬以降時象州城守四十日矣擢知州大理寺丞何邠祠部員外郎三子皆賜出身以守城功也

原本擊無之字

區希範環州人常舉進士試禮部景祐五年應募討安化州蠻詣登聞鼓院進狀求錄用下宜州勘會知



州馮仲已言其妄邀功賞遂送全州編管既而遁歸  
與其族百餘人謀舉兵殺仲已以叛乃殺牛建壇場  
祭天神推白草山合蒙趕為帝叔區正辭為奉天關  
其定國性主而自為神武定國令公桂牧皆北嚮再  
其以為天命又以區正辭為宰相區志全為都統使  
崔盈為節度使區世庸為飛天神聖將軍蒙懷為石  
勝將軍譚護為突陣將軍甘徹為龍路將軍吳程為  
蜂毒將軍廖陳為遊奕將軍蒙楞為雷行將軍共偽  
補三十餘人聚眾二千餘人慶曆四年攻陷環州得

隆平集

卷二十

三

其印遂以環州為武威軍繼破帶溪普義寨下鎮寧  
州等處宜州捉賊李德用出韓夢嶺擊破之獲其偽  
將崔盈譚護二人希範遂入保荔波洞聞出拒官軍  
明年詔西京轉運使杜杞加直集賢院為廣西轉運  
使兼安撫事祀至宜州得州人吳香欲囚區世宏及  
攝官區暉進士曹子華往說諭之又率兵破白崖黃  
泥九居山等寨及其五峒斬首千餘級復環州焚其  
積聚蒙趕等大恐率其徒隨香出降杞稿以牛酒六  
百餘人始與盟置曼陀羅花酒中既昏醉悉殺之後

三日行希範及區正積等十數人制希範腹積其五  
藏為嗣而隨以賜諸溪峒餘悉就戮

軍賊十則沙州人因歲儉流移至貝州應募宣殺軍  
為小將初去其鄉母與之訣刺背背土以為記黃  
貝間多妖術則習之欲為亂遂結眾言背自然隱起  
一福字眾惑而敬事之州吏張鸞十吉者為之主謀  
慶曆七年冬至郡官赴朝拜遂率其徒劫庫兵以叛  
執知州張得一囚於獄囚悉縱去通判董元亨不與  
軍帑鑰首被殺司理叅軍王獎為獄囚所害監兵田

隆平集

卷二十

十四

斌聞不勝而出提點刑獄田京任黃裳持印棄寨歸  
縱城而去獨得一魄首事之獲存餘悉死焉則僭稱  
東平郡王張鸞為宰相十吉為樞密使建元德勝旗  
幟皆為佛字則遣人要虜使而安撫使賈昌朝謀知  
命殿侍安素伏兵西門夜俟其徒出盡得其首級詔  
遣叅知政事文彥博知開封府明鑄為河北宣撫使  
副以平其亂官軍即城南為地道因日攻其北以牽  
制之地道成而兵入則始開東門遁為總管王信所  
獲監送闕下封戮都市自反及敗凡六十六日餘眾

捕殺無遺其家書有滿淚經五龍經原本不記上後既述其封

廣源州蠻寇儂智高蠻商之子其母阿儂左江武勒

之族轉至交趾適儂嶺州知州儂全福子全福為交

趾所擄阿儂改適蠻商生智高智高長遂殺其父阿

儂又為特磨道儂夏卿之妻皇祐四年智高聚眾入

寇初陷邕州遂僭號稱其母阿儂為皇太后阿儂克

悍有謀嗜小兒肉開以具庖食智高用其計遂自邕

攻橫貫襲浮封藤梧端東州所至驅劫軍民眾至數

萬乃進圍廣州朝廷先命楊政曹修為廣南安撫使

隆平集

卷二十

五

經制蠻事又繼以孫沔余靖任安撫使久未奏功遂

除樞密副使狄青為宣徽南院使宣撫湖北路經制

廣南賊盜事請至合孫沔余靖三將兵大破其眾於

歸仁鋪智高夜焚邕州城奔大理國其母阿儂潛歸

特磨道依其夫儂夏卿收殘眾得三千餘人復將入

寇石鑑世居邕州謀知其動息遣喇丁入特磨道掩

襲擒阿儂及智高二子繼宗繼封弟智光竝檻送闕

下阿儂年六十朝廷始欲存之以俟智高之降及智

高已為大理國所殺政悉封戮而市

原本其封其不  
脫錄到詳  
卷畢

論隆平集叙後

凡撰述之大者一在羽翼聖經一在纂修當代然言

以明道經前儒之所已言後之人雖百思焉而無以

道則翼經難若夫遠覽旁搜取朝廷大制作大典章

下至民間風俗隱僻怪詭之事一一垂諸紀載則史

官之職也亦一時之事也似有才者即能為之不知

愚臆見為編摩任私心為去取非愚則誣皆無與于

古今得失之林者也故史才自班馬而下寥寥不數

人是必學術醇而人品正天資高而筆力古乃有以

隆平集

會序

勝其任而愉快予族祖文定公文章名天下既醇乎

經學而隆平集則其史才也此種著作與公之文又

不同文或鴻裁大篇此則零雜記注文或憑空立論

此則逐事詳明至今讀之其短篇則如左氏傳其長

調則如賈太傅其典核又如秦風小戎所狀士馬器

甲板屋土風宛然在人看字間真曠代逸才也哉惜

兵燹後舊刻朦混即存者亦無幾蓋學士大夫非好

學深思誰復讀此即讀矣心知其意矣亦未必捐費

刊刻公之後學黃魯直云安得力士盡刻杜甫兩川

刊刻公之後學黃魯直云安得力士盡刻杜甫兩川

詩集佚大雅之音振三巴之耳益言表章之難也今  
毅齋先生潛心古學既編定其文集復取茲集而校  
臂焉正其句讀辨其訛舛俾公之經學史學並傳而  
其所以資經濟之業者信乎其未有窮也予因之有  
所感矣宋代文章首推廬陵公固其所取制科士二  
公皆有文集有史集譬若延津之劍並化為龍神物  
終當合也

康熙四十七年歲次戊寅十月

南豐後學曾鴻麟謹啟

隆平集

會序